



Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 15/11/2024

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministesch fir Gesondheet weiderzeleeden.

An enger Séance plénière vun der Chamber huet d'Madamm Gesondheetsministesch annoncéiert, dass de Service des dons de sang, dee bis elo vun der Croix-Rouge assuréiert ginn ass, an en öffentleche Service iwwergeet.

Am Joer 2023 huet d'Croix-Rouge an der geschriwwener Presse matgedeelt, dass d'Reserven immens déif wieren, wat, bei de méiglechen Zenarie vun engem grouse Besoin, zu enger Katastroph féiere kann. De System vun de Reserven hänkt besonnesch un der Reegelméissegkeet vun de Spenden, well d'Reserven och ëmmer en Oflafdatum hunn,

D'Croix-Rouge huet, anescht wéi an Däitschland zum Beispill, bis elo den Don ëmmer als "acte bénévole" ouni Remuneratioun gesinn. Am öffentleche Secteur ass, fir hei zousätzlech zum solidaresche Gedanken eng Incitatioun ze schafen, e Congésdag garantéiert ginn. De privaten Employeuren ass et fräiwëlleg iwwerlooss op esou e Modell ze goen.

An dësem Kontext a mat der Annonce vun der Madame Gesondheetsministesch stellen sech aktuell a fir d'Zukunft vill Froen.

An deem Zesammenhang wéilt ech der Ministesch dës Froe stellen:

1. Wéi gesäit den aktuelle Stand vun de Blutreserven aus?
2. Wéi huet sech dës Stand zum selwechten Zäitpunkt iwwert déi lescht 5 Joer entwéckelt?
3. Wéi eng Méiglechkeete ginn et wann am Kader vun engem gréisseren Besoin (zum Beispill ausgeléist duerch e gréisseren Accident oder aner Zort vu Katastroph) d'Reserven zu Lëtzebuerg net duer ginn?
4. Opbauend op der Annonce vum öffentleche Service, wat plangt de Ministère fir Aktiounen a Mesurë fir en héije Stand bei de Reserven ze assuréieren?
5. Wäert et Iwwerleeunge ginn sech dem däitsche Modell vun engem Payment unzepassen?



www.piraten.lu

6. Ginn et och lwwerleeungen dem Privatsecteur eng Obligatioun auszeschwätze sengen
Employéén e Congésdag als Incitatioun ze proposéieren?

Mat déiwem Respekt,

A handwritten signature in black ink, appearing to be 'GOERGEN Marc', written in a cursive style.

GOERGEN Marc
Deputéierten

